

御定全唐诗

全唐詩目錄 六函

第五冊

孟郊 十卷

孟郊字東野，湖州武康人。少隱嵩山，性介，少與合。一見為交。形父年五十得進士第，調溧陽尉。縣有陂，陂平，陂城材，向蒙縣下有積水，郊問往坐。時官務多廢，令白府以假尉代之，分其半奉。郊以京師留守，喜水陸，轉運判官，餘度銷與元泰。張籍詩曰：「孟郊先生知為詩，有理致，最爲奇。」思齊詩曰：「李賀亦論其詩曰：『高處有古無上。』」

全唐詩

孟郊

孟郊字東野湖州武康人少隱嵩山性介少諧合韓愈一見爲忘形交年五十得進士第調溧陽尉縣有投金瀨平陵城林薄蒙翳下有積水郊間往坐水旁裴回賦詩曹務多廢令白府以假尉代之分其半奉鄭餘慶爲京都留守署水陸轉運判官餘慶鎮興元奏爲參謀卒張籍私謚曰貞曜先生郊爲詩有理致最爲愈所稱然思苦奇澁李觀亦論其詩曰高處在古無上平處下顧二謝云集十卷今編詩十卷

列女

一作婦操

梧桐相待老鴛鴦會雙死貞女貴狗夫捨生亦如此波  
瀾誓不起妾心井中水

灞上輕薄行

長安無緩步況值天景莫相逢灞滻間親戚不相顧白  
歎方拙身忽隨輕薄倫常恐失所避化爲車轍塵此中  
生白髮疾走亦未<sub>一作</sub>歇

長安羈旅行

十日一理髮每梳飛旅塵三旬九過飲每食唯舊貧萬  
物皆及時獨余不覺春失名誰肯訪得意爭相親直木  
有恬翼靜流無躁鱗始知喧競場莫處君子身野策藤  
竹輕山蔬薇蕨新潛歌歸去來事外風景真

長安道

胡風激秦樹賤子風中泣家家朱門開得見不可入長  
安十二衢投樹鳥亦急高閣何人家笙簧正喧吸

送遠吟

河水昏復晨河邊相送頻離杯有淚飲別柳無枝春一  
笑忽然歛萬愁俄已新東波與西日不惜遠行人

古薄命妾

不惜十指絃爲君千萬彈常恐新聲至

一作發

坐使

一作使我

故聲

一作曲

殘棄置今日悲即是昨日歡將新變故易持

一作將

故

爲新難青山有薜蘿淚葉長不乾空令後代

一作世

人采掇

幽思攢

一作思幽蘭

古離別

一作對景惜別

松山雲繚繞萍路

一作合

水分離雲去有歸日水分無合時

春芳

一作芳景

役雙眼

一作目

春色柔四支楊柳織別愁千條萬條

絲

雜怨

一作古樂府雜怨

憶人莫至悲至悲空自哀寄人莫剪衣未必歸朝

爲雙

一作同

蒂花莫爲四散飛花落還遶樹遊子不顧期

天桃花清晨遊女紅粉新天桃花薄莫遊女紅粉故樹

有百年

一作度

花人無一定顏花送人老盡人悲花自閑

貧女鏡不明寒花日

一作是花

少容暗蛩有虛織短線無長縫

浪水不可照狂夫不可從浪水多散影狂夫多異蹤持

此一生薄空成萬一作百恨濃

靜安吟

艷女皆妬色靜女獨檢蹤任禮恥任粧嫁德不嫁容君  
子易求聘小人難自從此志誰與諒琴弦幽韻重

歸信吟

淚墨灑爲書將寄萬里親書去魂亦去兀然空一身

山老吟

不行山下地唯種山上田腰斧斫旅松手瓢汲家泉詎  
知文字力莫記日月遷蟠木爲我身始得全天年

遊子吟

自註迎母  
漂上作

慈母手中線遊子身上衣臨行密密縫意恐遲遲歸誰

言一作難將寸草心報得三春暉

小隱吟

我飲不在醉我歡長寂然酌溪四五盞聽彈兩三弦鍊  
性靜棲白一作日洗情溪寄元一作霽號怒路傍子貪敗不貪全

苦寒吟

天寒色一作寒青蒼北風叫枯桑厚冰無裂文短日有冷光  
敲石不得火壯陰奪正一作轟陽苦調竟一作更何言凍一作久吟成  
此章

猛將吟

擬膾樓蘭肉蓄怒時未揚秋聲無退聲夜劍不隱光虎  
隊手驅出豹篇心卷藏古今皆有言猛將出北方

傷哉行

衆毒蔓貞松一枝難久榮豈知黃庭客仙骨生不成春  
色捨芳蕙秋風遶枯莖彈琴不成曲始覺知音傾館月  
改舊照弔賓寫餘情還舟空江上波浪送銘旌

怨詩

一作古怨

試妾與君淚兩處滴池水看取芙蓉花今年爲誰死

湘弦怨

昧者理芳草蒿

一作蕭

蘭同一

鋤狂

一作盲

飈怒

一作怨

秋林曲直同

一枯嘉木忌深蠹哲人悲巧誣靈均入迴旒靳尚爲良

謨我願分衆泉清濁各異

一作有

渠我願分衆巢梟鸞相遠

居此志諒難保此情竟何如湘弦少知音孤響空踟躕

楚竹吟酬盧虔端公見和湘弦怨

握中有新聲楚竹人未聞識音者謂誰清

一作靜

夜吹贈君

昔爲瀟湘引曾動瀟湘雲一叫鳳改聽

一作聰

再驚鶴失

一作出

羣江花匪秋落山日當晝曛衆濁響雜沓孤清思氛氲

欲知怨有

一作者

形願向明月分一掬靈均淚千年湘水文

遠愁曲

颼颼何所從遺塚行未逢東西不見人哭

一作泣

向青青松

此地有時盡此哀無處容聲翻太白雲淚洗藍田峰水

涉七八曲山

一作石

登千萬重願邀

一作迴

元夜月

一作靈

出視白日

蹤

貧女詞寄從叔先輩簡

蠶一作貧女非不勤今年獨無春二月冰雪深死盡萬木身

時令自逆行造化豈不仁仰企碧霞仙高控滄海雲永

別勞苦場飄飄遊無垠

### 邊城吟

西城

一作城

近日

一作水

天俗稟氣候偏行子獨自渴主

一作居

人仍

賣泉燒烽碧雲外牧馬青坡巔何處鵲突

一作作幽

夢歸思寄

仰

一作酒

眠

### 新平歌送許問

邊柳三四尺暮春

一作暮

離別歌早迴儒士駕莫飲土番河

誰識匣

一作篋

中寶楚雲章句多

殺氣不在邊

殺氣不在邊凜然中國秋道險不在山平地有摧軸河

南

一作中

又起兵清濁俱鎖流豈唯私客艱擁滯官行舟況

余隔晨昏去家成阻修忽然兩鬢雪同

一作固

是一日愁獨

寢夜難曉起視星漢浮涼風蕩天地日夕聲颼颼萬物

無少色兆人皆老憂長策苟未立丈夫

一作亭

誠可羞靈響

復何事劍鳴思戮讐

結愛

一作古結愛

心心復心心結愛務在深一度欲離

一作言

別千迴結衣襟

結妾獨守

一作棲

志結君早歸意始知結衣裳不如結心腸

坐結行亦結結盡百年月

弦歌行

驅儼擊鼓吹長笛瘦鬼染面惟齒白暗中舉舉拽茅鞭  
僂足朱禪一作禪行戚戚相顧笑聲衝庭燎桃弧射矢時獨  
叫

### 覆巢行

荒城古木枝多枯飛禽嗷嗷朝哺雛枝傾巢覆雛墜地  
烏鳶下啄更相呼陽和發生均孕育鳥獸有情知不足  
枝危巢小風雨多未容長成已先覆靈枝珍木滿上林  
鳳巢阿閣重且深爾今所托非本地烏鳶何得同一作知爾  
心

### 出門行

長河悠悠去無極百齡同此可歎息秋風白露霑人衣

壯心凋落奪

一作舊

顏色少年出門將訴誰川無梁兮路無

岐一聞陌上苦寒奏使我佇立驚且悲君今得意厭梁肉豈復念我貧賤時

海風蕭蕭天雨霜窮愁獨坐夜何長驅車舊憶太行險始知遊子悲故鄉美人相思隔天闕長望雲端不可越手持琅玕欲有贈愛而不見心斷絕南山峩峩白石爛碧海之波浩漫漫參辰出沒不相待我欲橫天無羽翰

湘妃怨

一作湘靈祠

南巡竟不返二妃

一作二妃

怨

一作悲

逾積萬里喪蛾眉瀟湘水空

碧冥冥荒山下古廟收貞魄喬木深青春清光滿

一作滿

瑤

席舉芳徒有

一作自

薦靈意殊脉脉玉珮不可親徘徊煙波

夕

巫山曲

巴江上峽重復重  
陽臺碧峭十二峰  
荆王獵時逢暮雨  
夜臥高邱夢神女  
輕紅流煙濕艷姿  
行雲飛去明星稀  
目極魂斷望不見  
猿啼三聲淚滴衣

巫山高

一作行

見盡數萬里不聞三聲猿  
但飛蕭蕭雨中有一作夢  
亭亭魂手載楚王一作襄  
恨遺文宋玉言至今晴明天一作青  
雲結淚一作裏

閨門

楚怨

秋入楚江水獨照汨羅魂  
手把綠荷泣意愁珠淚翻

九門不可入一犬吠千門

塘下行

塘邊日欲斜年少早還家徒將白羽扇調妾木蘭花不  
是城頭樹那棲來去鴉

臨池曲

池中春蒲葉如帶紫菱成角蓮子大羅裙蟬鬢倚寄石迎  
風雙雙伯勞飛向東

車遙遙

路喜到江盡江上又通舟舟車兩無阻何處不得遊丈  
夫四方志女子安可留郎自別日言無令生遠愁旅雁  
忽叫月斷猿寒啼秋此夕夢君夢君在百一作北城樓寄一作寒

淚無因

一作回

波寄恨無因

一作回

願爲馭者手與郎廻馬頭

### 征婦怨

良人昨日去明月又不圓別時各有淚零落青樓前君

淚濡羅巾妾淚滿路塵羅巾長

一作去

在手今得隨妾身路

塵如得

一作因

風得上君車輪

前四句一本別作一首

漁陽千里道近如中門限中門踰有時漁陽長在眼生

在緣

一作緣

羅

一作羅

下不識漁陽道良人自戍來夜夜夢中到

前四句一本別作一首

### 空城雀

一雀入官倉所食寧損幾祇慮往覆頻官倉終害爾魚

網不在天鳥羅不張水飲啄要自然可以空城裏